



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



Վ. ՓԱՓԱՋԵԱՆՆ

ՄԵԾ ՓԱԿԱՆՔ

ԵՒ

ԱՌԻԻԾԻ ՄԱՆԻ



891.99

Կ-31

1904

ՏՊԱՐԱՆ ԳԱՐԴԱՆԵԱՆՏԻ  
ԳԱՆՕՎՈՎԱՆԱ ՓՐՂՈՅ Ե

, Թ Ի Ֆ Լ Ի Ս

ԳԻՆՆ Է 3 ԿՈՊ.



20.08.2012  
POS VOM 4-

60024

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊՐԵՍՅԱԿԱՆ ԿԵՆՏՐՈՆ

ՔՆՆՈՒՄՔ ԾՅՄ

ԳՆՆՊ-ԳՆՎԳՊՅ

(9600096)

Доз. Цензурою 29 Апрель, 1904 г., Тифлисѣ.

## Մ Ե Ծ Փ Ա Կ Ա Ն Ք

Դիլիջանից մինչև Ալեքսանդրապոլ արոյ-  
կայով գնացի. ընկեր վերցրի Պարսկաստանից  
եկող մի պարսիկ և որովհետև լաւ էի վարում  
հետը և քաղաքավարութեամբ, նա իրան ե-  
րաջտապարա էր դգում, իր հովանոցով ինձ  
արեկիցը պաշտպանում կամ իր խօսակցութիւն-  
ներով ինձ զրադեցնում: Ինչպէս երևում է,  
պատմիչ էր. լիքը բերնով էր արտասանում  
նախադասութիւններ կամ բառեր և պատմածի  
մտքի համեմատ էլ շեշտած միմիկաներ ունէր:

Չգիտիմ ինչպէս եղաւ որ նա ինձ պատ-  
մեց այդ զրոյցը. կարծեմ այդ այն ժամանակն  
էր, երբ ես ցանկութիւն յայտնեցի իջնել, ճա-  
նապարհից դուրս գանուող մի հանքային ջրի  
մօտ գնալ. և երբ գնացինք, գտայ որ իզուր  
ժամանակ էինք կորցրել, որովհետև ջուրը ո-  
չինչ բան էր:

Այդ բանից յետոյ մենք կառք նստեցինք  
և պարսիկը մօրուքը շփելուց յետոյ, վարդա-  
պետական ձայնով ու շեշտերով արասանեց.  
«Յանկալի առարկան նմանում է շիրմի,

—բայց՝ բայց դռան վրայ մեծ փականք...»

Յետոյ քիչ լռեց և աւելացրեց երազողի պէս.

—Ով Մանի, քո մտքերդ էլ քո քսան կանգոնաշափ ձեռքով գծած գծերի պէս ուղիղ են...

Ու լռեց: Ես ի հարկէ ոչինչ չհասկացայ: Մանի առասպելական նկարչի մասին գիտէի, գիտէի նաև որ նա կարողանում էր ձեռքով քսան կանգուն երկարութիւն և մի թափով գիծ քաշել այնքան ուղիղ, որքան կլինի քանոնով գծւածը:

Բայց աֆորիզմը:

Խնդրեցի բացատրել: Ամենայն սիրով ընդունեց խնդիրս պարսիկը և պատմեց ինձ սոյն գրոյցը:

«Նկարիչ Մանին—պատմեց նա—մեռնելուց առաջ մտքումը գրեց մի լաւ բան նկարել ու յետոյ մեռնել:

«Այդ մտքով էլ նա սկսեց ման գալ և նկարի նիւթ որոնել: Ուզածն էր մի նոր, ցանկալի, տարօրինակ նիւթ:

«Մտաւ խոր ձորեր, պրպտեց իւրաքանչիւր խուլ անկիւն, մագլցեց լեռներն ի վեր, աչքի տակ տւաւ շատ տեսարաններ: Բայց որովհետև շատ տեսել էր, շատ էլ գննել և ոչինչ չէր խուսափել նրա աչքերից, ուստի և չէր կարողանում գտնել մի առարկայ, որ լինէր

տարօրինակ և որ գրգռէր նրա ցանկութիւնը:

«Եւ նա տխրում էր: Անտառի ոգին, լեռների հիւրիններն ու ծովի ձուկ-կանայք նոյն իսկ անկարող եղան նկարչին մի նիւթ տալ, մի նիւթ թելադրել: Իդուր նա ոտքի տակ էր տալիս ամբողջ բնութիւնը, ոչինչ նոր բան, ոչինչ ցանկալի, ոչինչ յարատև, տենչալի:

«Եւ նա տխրում էր ու յուսահատում:

Այսպէս տխրութեամբ նա թափառում էր ամեն կողմ, Չիրաղի դաշտերի ու լեռների մէջ, երբ մի օր էլ գերեզմանատուն մտաւ և այնտեղ մի շիրիմ տեսաւ: Կանգ առաւ:

Մի մեծ շէնք էր, բարձր պատերով: Բայց ինչ որ զարմացրեց նկարչին, դա այն ահագին խոշորութեամբ կողպէքն էր, որ դըրւած կար շիրմի փակւած դռան վրայ:

Փակ դռան ճակատին էլ արաբական տառերով գրւած էր—«Մտիր այստեղ՝ եթէ կարող ես և կգտնես՝ ինչ որ փնտռում ես»:

Մեծ նկարիչը զայրացած գոչեց.

—Ո՞ր տխմարն է արդեօք գրել այս տողերը, միթէ գերեզմանի մէջն է սր մարդ կարող է միայն գտնել իր փնտռածը:

Յետոյ ծիծաղեց և աւելացրեց.

—Դա անշուշտ մի մեռնողի խօսք է. չկարողանալով ապրել, կամեցել է մահը ցանկալի դարձնել, իրան մխիթարել. անճար է եղել ու բանջար կերել:

Ասաց ու մէջքը դարձրեց հեռանալու: Բայց յակամայից սիտքը միշտ այդ տողերին էր, այդ վերդասութեան:

Մի քանի ըոպէ մտածելուց յետոյ, մի քանի քայլ մտեցաւ դէպի մեծ կողպէքը, նա-  
յեց նրան ու սասաց.

— Զարմանալի է. նախ՝ ինչո՞ւ փակել մի շիրմի դուռ և յետոյ ի՞նչ մտքով դնել այդ դռան վրայ մի այնպիսի մեծութեամբ կողպէք, որ միայն դնում են բանտերի կամ գանձա-  
բանների վրայ:

Եւ նա նորից վեր նայեց ու կարդաց.

— «Մտիր եթէ կարող ես և կգանես՝ ինչ որ ուզում ես»:

— Մտնենք—մտածեց նա—գուցէ մի նոր բան կայ իսկապէս թագնւած այն մեծ կող-  
պէքի ետևում. թշուառութիւն կամ գիտութիւն արդեօք, թէ՛ գանձ կամ իշխանութիւն...

Զարժեց կողպէքը. շատ ծանր էր. վերց-  
րեց մի մեծ քար և նրանով սկսեց ծեծել փա-  
կանքը: Հետաքրքրութիւնը այնքան սկսեց զը-  
բաւել արտիստին, որ նա ցանկութիւնից դո-  
ղում էր:

Երկար շարշարեց և երեկոյեան դէմ վեր-  
ջապէս շարժեց փականքը, յանկարծ փշրեց  
մեծ կողպէքն ու շիրմի դուռը կոնգան վրայ  
դառնալով՝ լայնութեամբ բացեց:

Ցած ձգեց քարը, մի քայլ արաւ. ներս  
մտաւ և զարմանքի մի մեծ աղաղակ արձակեց:

Դէմ ու դէմի պատը բաց էր լիովին, և  
այդ բացւածքից երևում էին Չիլազի տներն  
ու այգիները:

Չիլիմը միայն երեք պատ ունէր, ետևի  
պատը լիովին չէր էլ շինւած: Իսկ շիրմի ներ-  
քին տեսքը ապացուցանում էր, որ այդտեղ ու  
կոխողը առաջինը նկարիչ չէր:

— Ի՞նչպէս... ի՞նչու ուրեմն այդ այլան-  
դակ գործողութիւնը:

Չինել մի շէք միայն երեք պատով, ե-  
տևի պատի տեղը բաց թողնել և ապա դռան  
վրայ էլ մի մեծ փականք կանգնեցնել, ի՞նչու:  
Լաւ ծաղրեցի, ճակատը կնճռեց ար-  
տիստը—և սակայն դռան ճակատի զըւածքը  
չկատարեց իսկ, որովհետև փնտռածս չեմ  
գտնում գոնէ:

Բայց հազիւ թէ դարձել էր, որ աչքը  
ընկաւ պատի վրայ քանդակած սոյն երեք  
տողերին և նա կարդաց:

«Ամեն ինչ նոր է աշխարհիս վրայ, սա-  
կայն ոչինչ նոր չէ»:

«Ձեռք բերելու դժարութիւնը՝ առար-  
կան ցանկալի է դարձնում»:

«Մի անգամ ձեռք բերւած՝ նա դառնում  
է սովորական...»

Մանին ընկղմեց մտածութեան մէջ. այդ  
տողերը խիստ ազդեցին նրա վրայ:

Գտել էր փնտռածը, բայց և չէր գտել.

որովհետև եթէ գտնէր՝ փնտռածը այդ շէր լինիլ: Ուրեմն փնտռում էր մի այնպիսի բան, որ չպիտի գտնուէր:

Հասկանում էր այժմ:

Դուրս եկաւ շիրմից, գնաց տուն, ձեռքն առաւ վրձինը և նստաւ կտաւի առաջ:

Նկարեց շիրմիը երեք պատով, ետևի բացւածքով, նկարեց դուռը և դրեց նրա վրայ խոշոր երկաթեայ փականքը:

Յետոյ փոխանակ գրելու շիրմի վրայի խօսքերը, գրեց սոյն տողերը:

«Ցանկալի առարկան նմանում է այս շիրմին—բայց՝ բայց դուան վրայ մեծ փականք»:

## ԱՌԻԻԾԻ ՄԱՀԸ

Անապատի մէջ արշաւող, անտառ թունդ հանող և ազատութեան մէջ մեծացած խրոխտ առիւծը թակարդի մէջ ընկաւ:

Անտառից ելած՝ որս էր որոնում, շուրջը ահ սփռելուն համար մտովին հրճուում, երբ յանկարծ գլորեց ընկաւ և մի ցանցի մէջ իրան բռնւած գտաւ: Միցանց ահռելի, յարմարաբար շարժուող, կծկուող—զալարուն, որ մի ըսպէի մէջ կաշկանդեց նրան, քաշեց հաւաքեց ու կծիկ դարձրեց: Ոչ մի շարժում իսկ գործել չէր կարող. մի խումբ կոշտ կապեր—սարդի ճանկերով պարզեցին նրան և առիւծը ընկած էր խճճւած, կապւած...

Առիւծը մոնչաց, կատաղեց, բուռն ճիգեր գործեց, ոստոսեց, կապերը կրծոտեց, որշափ ոյժ ունէր՝ գալարեց, տանջեց, բայց ոչ շղթան փշրեց, ոչ էլ ցանցը պատուեց...

Անտառի քաջը, կենդանիները արքան գերի էր այլևս: Իր կեանքում երբէք կապեր չէր տեսել, արգելքի առաջ գլուխ չէր ծռել. կլտրել էր դաշտ, ձոր, անապատ անհուն. անցել էր անտառ, գետեր սրընթաց. տրորել փշրել, մագլցել լիւններ... աշխարհն ամբողջ ոտնատակ տուել, ազատ օդի մէջ ապրել անկաշկանդ, ա-

զատ էր սնել, ազատ էր ծնել և ահա այժմ կծկած, գալարած, ցանցով խճճած, գետնին պինդ գամած, անհասկանալի կապերով սեղմած, չէր էլ ըմբռնում թէ ի՞նչ էր եղել, ի՞նչու բանտարկել և կամ ով էր նրան այդպէս խըղճուկ, դառն գրութեան մէջ ձգել:

Մռնչաց, ոստնեց, ժամերով ճգնեց. ապա՝ յուսահատ, աչքերը փակած, գլուխը կրծքին, բաշը իջեցրած՝ սկսեց խորհել:

Ի՞նչ էր այդ ոյժը, իր ոյժից շատ բարձր, այդքան խորամանկ և այդքան ճարպիկ, սնունդ էր ասեցին այդ շանթող ձեռքը, որ աներևոյթ՝ պարզաժողովի նա, անտառի հերոսից կծիկ էր շինել ու անշարժ, գերի՝ դաշտի մէջ գամել:

Եւ նա վեր նայեց: Մի թեթեւ ու թոյլ խըրտուք լսեց, ապա իր ցանցից մի քայլ հեռուում մի մարդ նշմարեց: Մարդն էր այն շնչին արարածը, որից տամնեակներ նա պատառտեւ բղկտել էր յաճախ և որն այժմ այնտեղ, ցանցի կապը ձեռին, նայում էր խրոխտ որսին, նայում հրճամօթ, ծաղրում արքային, ծաղրում հսկային...

Ելաւ, ուղեց ոստնել, յանդուզն ծաղրողին մի պատառ շինել, փշրել, տրորել... բայց մարդը կապը ձգտեց և ցանցը կուշ եկաւ, աւելի սեղմեց ու առիւծի ջանքերն ի դերե հանեց...

Օ՛հ, ի՞նչ անկում, ինչպիսիք վիճակ: Խաղալիք լինել մարդի ձեռքի մէջ, ենթարկել ծաղրի. հեռու անտառից, խլած անապատից,

ազատ վայրերից, ստորացուցիչ կապերի մատնած, անյոյս ու գերի... .

Եւ առիւծը դառնացած՝ լացաւ աղիորում: Ու նրա լացից անտառը դողաց, ժայռերը հնչեցին, դաշտը թունդ ելաւ...

Օրերով մնաց առիւծը ցանցի մէջ. նրան կեր տւին. բայց ոչինչ բերանը չ'առաւ. նրան շրջապատեցին. բայց նա լուռ մնաց, լուռ և յուսահատ, մահւան ցանկացող...

Մի օր էլ մի մեծ վանդակ բերին դաւաճան ցանցի կողքին, յետոյ առիւծին ստիպեցին ելնել. ցանցը լայնացրին, շիկացած երկաթներով հզօրին առաջ մղեցին և նկուն դարձրած՝ վանդակի մէջ առին:

Այժմ կապ չկար, բայց երկաթէ ամուր ձողերով կազմած շորս բարձր պատեր:

Առիւծը փորձեց բացաժքները միջով նեղնալ՝ դուրս սահել, գլուխը դէմ տաւ, հրակայ ոստիւններով ձողն ի վեր թռաւ, կատաղի քայլերով վանդակի մէջ վազվղեց, հնարք որոնեց, դրսում երևցող ազատ երկնքին կանչեց, ազատ տարածութիւնը տեսչաց, ապա ամբողջ վանդակը ցնցեց, դղրդացրեց... Բայց տեսաւ որ դուր էր, ամեն ջանք ունայն և որ գերի էր, բռնած, կաշկանդւած...

Տխուր ու տրտում նստեց վանդակի ձողերի առաջ, ոտները ծալեց, պոչը հաւաքեց, գլուխը թաթերի վրայ առաւ և աչքերն ան-



յագ տենչանքով լիքը, սեւեռեց հեռու՝ իր անապատին, իր գոռ անտառին, ուր երէկ դեռ ևս հպարտ ու խրոխտ՝ անցնում էր ազատ, ուր երէկ դեռ ևս իր լայն թորքերով շնչում էր, փռնում...

Ահա այն ժայռը, այն մեծ լերկ քարը, որի կտտարին կանգնել էր ժամերով, արևի տակ հանգչել, հեռունները դիտել, իր սուր աչքերով որսեր որոնել և արհամարհոտ՝ ոտքերի մօտից սահող մողեսները դնել, գեռունների փոքրութիւնը ծաղրել...

Ահ, սրբան կուզենար այժմ այդ մողեսների պէս փոքր լինել, սահել վանդակի ձողերի միջով, գնալ ապրել միշտ խուլ խռուչներում, աւազների մէջ, շնչին բան դառնալ, առիւծ շլինել, միայն թէ ազատ. ազատ կապերից, վանդակից. բնութեան ծոցում ուզած տեղն ապրել, ուզած տեղը մեռնել...

Վերջապէս մի օր վանդակը շարժեցին, օրերով՝ գլորած տարան, յետոյ ինչ որ երեբուն տախտակի վրայ ամրացրին և մեծ ջրի վրայ լողացնելով՝ տարան բազմամարդ երկիր հանեցին:

Առիւծը այդ բոլորը տեսաւ զարմացած: Ծովի ալիքների, կապոյտ տարածութեան առաջ դմայած մնաց — իր անապատը կարծեց. յետոյ վանդակի շուրջը ժողովուրդ ժխորին նայեց քամահրանօք. իմացաւ որ մտքերը էին ի-

բան մի անծանօթ տեղ, ուր ոչ անտառ կար և ոչ անապատ. ուր հօրիզօնն իսկ վանդակի էր նմանում— փակւած, կարճ, սեղմւած, և օդը ճնշող, թանձր, հեղձուցիչ:

Ըշմած, մեքենայաբար կերաւ ինչ տւին, արեց՝ ինչ ուզեցին: Էլ չմոնչաց, էլ չկատաղեց, միայն կծկւած վանդակի մի անկիւնում՝ անշարժ ժամերով, միտքն իր անապատին, երազը՝ անտառին, լայնարձակ օդին՝ դառն հեկեկանքով լացաւ ու մեռնել ուզեց...

Մըպէս նրան տարան, շրջեցրին քաղաքներ, նորից ջրեր անցկացրին, նորից մտայլ. խեղդիչ երկիրներ և վերջի վերջոյ մի անտառանման այգու մէջ մտցրին. վանդակը բարձրացրին, ստիպեցին նրան անցնել մի ուրիշ աւելի մեծ ու կլոր շրջանակի մէջ, դուռը փակեցին, մի կտոր միս էլ ներս ձգեցին և թողեցին հեռացան...

Առիւծն այժմ գազանանոցումն էր:

Ի ցոյց էր դրւած մի մեծ ու կլոր բարձր վանդակում, ուր մինչև իսկ, կարծես նրան ծաղրելու համար, փոքրիկ քարերից՝ շնչին, խաղալիքի նմանող մի ժայռ էին կազմել, մօտն էլ սինի պէս կերտւած, ցանցառ տերևներով, մանրիկ ճիւղերով ճղճիմ ծառ տնկել, ծառի տակը՝ ջրի աւազան, վանդակի յատակի վրայ՝ ծովի շոր աւազ...

Առիւծը շուրջը նայեց, զղանքով տեսաւ

իր ազատ հայրենիքը ծաղրող ծառն ու ժայռը, պոչով փշրեց առաջինը. ոտքով կոտորեց երկրորդը և դուրս նայեց: Դիմացը՝ պատեր, հեռուն՝ ուրիշ վանդակներ էլ. ապա մռայլ ծառեր և նրանց տակը պտտող գծուծ նայողները, որոնք երբեմն յօտ էին գալիս, բերանը բաց՝ դիտում և կամ ահաբեկ՝ ետ ետ էին քաշւում...

Եւ յանկարծ այդ բոլորի մէջ լսեց մի ծանօթ և խռպոտ մունչիւն, որ լուտանքով գոչում էր.

—Ողջնյն անկեալ վեհափառութեան...

Դարձաւ: Դրանից տասը քայլ հեռու, նոյնպէս վանդակում, ձողերի միջից գլուխն երեքցնելով, շարամիտ վագրը աչքերն հեզնութեամբ լի՝ իրան էր նայում և երբ նրանց ակնարկները միմեանց հանդիպեցին, արիւնաբբու գազանը օռնաց ու սասց.

—Ողջնյն, անապատի հզօր դու արքայ, գոռ անտառների, ազատ ժայռերի մեծդ դու հսկայ, եկել ես մեզ ընկեր—մեզ՝ շնչիններիս, մեզ սատրներիս բախտակից եղել... Ողջնյն, ուրեմն, անկեալդ վեհափառութիւն...

Ապա մի մեծ քրքիչ, շարախնդաց, դիւային ծիծաղ լսեց նրա վանդակից, յետոյ քրքրիչն անցաւ մի երրորդ վանդակ, որտեղից ինձը ատամները բացած, փայլուն աչքերով՝ նայում էր հեզնութեամբ... Եւ այդպէս, մէկէն քրքիչը քայլեց, վանդակից վանդակ մտաւ և սի բոսպէի մէջ առիւծն իրան գտաւ շրջապատ-

ւած՝ շնչին անասունների, գերի գազանների, գայլի և նոյն իսկ կապիկների՝ ծաղրով ու հեզնութիւններով:

—Ա՛հ, արքայ, խոնարհ մեր ողջոյն, կանչում էր ինձը:

—Ողորմած եղիր, հզօր թագաւոր, որ համարձակւում ենք քեզ ընկեր լինել. օռնում էր գայլը:

—Մենք կապիկներս քեզնից հզօր ենք, ճշում էին անձուռնիները—որովհետև ուրախ ենք և կատակում ենք...

Ու ծաղր, հեզնութիւն, քրքիչ, աղաղակ ամեն կողմից երկար տեղացին բռնւած հզօրի անպաշտպան գլխին..

Առիւծը մունչաց, ոտանեց դէպի ձողերը, ուզեց դուրս ելնել, արորել—Չարդել այդ հեզնոյններին... բայց բաղիւսեց ձողերի, գազանապահի հրաշէկ երկաթը այրեց նրա թաթը և նա նկուն, կատաղի՝ գլուխը թաթիւրի մէջ առաւ և ուզեց մեռնել...

Դառն էր այդ բոլորը, դառն, անտանելի: Մեռնելը խիստ լաւ էր: Կուզենար տեսնել իր արեան կաթիլ առ կաթիլ քամելը, իր անդամների կտոր առ կտոր բզկտուելը, կուզենար թաթիւրը փշրել ձողերի վրայ, սիրտը յօշոտել, կորզել դուրս ձգել...

Գիշերն էլ եկաւ մռայլ ու խոնար: Ծաղրըն ու քրքիչը սաստկացաւ, մեծացաւ.

—Ա՛հ, մեռնելուց վախենում ես, գոչում

էր վագրը—վանդակի մէջ ես, փառաւոր արքայ...

—Ա՛հ, դու թշւան ես, առիւծ ահալից,  
մլաւում էր ինձը...

—Քրեկ, թքեկ առիւծի վրայ. ճշում էլին  
կապիկները. .

Առիւծը գլուխը կռացրեց, քաշեց քա-  
րերի ետեւը, աշխատեց մթութեան մէջ ընկղ-  
մել, ծածկել և այդ ծաղրող ձայները շրտել:

Ո՛չ, պէտք էր դուրս գնալ. ինչ որ էլ  
լինէր, մեռնէր կամ ապրէր—պէտք էր դուրս  
հլնել, ոտքի տակ տալ, տրորել ամեն բան,  
ամեն արարած, միայն մի բոպէ, մի վայրկեան  
ազատութեան մէջ լինել, այնտեղ էլ մեռնել...

Եւ նա մտեցաւ վանդակի դռան, խուլ  
մոնշիւններով քաշեց ձողերը, ցնցեց ամեն բան  
ու գերբնական մի ոյժով, յուսահատ ճիւղով  
փշրեց դռան շղթան ու դուրս թռաւ իր դի-  
մացը բռնաւած հրաշէկ երկաթի վրայ ..

Գաղանապահն էր այն, մի սպառնալից,  
կրակած ձողակով՝ սր մտեհում էր նրան և  
հնչեղ ձայնով ներս հրաւիրում...

Առիւծը ժողովեց իրան, յետոյ ոտանեց:

—Մեռնել ազատ... գոչեց նա. և երկա-  
թը վժժալով նրա կուրծքը մղեց:

Առիւծը գալարեց, երկնքին նայեց, ա-  
նապատը երազեց, անտառին հառաչեց և հրա-  
շէկ երկաթը կրծքին, աչքերն ազատութեան,  
մեռաւ քաջի պէս, բայց, ազատ օդում, ազատ  
երկնքի տակ...:

«Ազգային գրադարան



NL0378143

## ՀՈՅՍ ԵՆ ՏԵՍԵԼ

- |     |   |       |
|-----|---|-------|
| 1.  | ԹԱԹԱԽՄԱՆ ԳԻՉԵՐԸ, Լէօի, գինը                                     | 5 կ.  |
| 2.  | 26 ՏՂԱՄԱՐԴ ԵՒ 1 ԱՂՋԻԿ, Մակ-<br>սիմ Գօր'կիյի, թարգ. Մուշէ վ.     | 5 կ.  |
| 3.  | ԽԵՆԹԸ և ուրիշ պատմածքներ,<br>վ. Փափազեանի . . . . .             | 10 կ. |
| 4.  | ԿԵԱՆՔԻ ԴԱՍԸ, պատմածք<br><del>Ա. Արարունեանի</del> . . . . .     | 5 կ.  |
| 5.  | ՍՊԻՏԱԿ ԾԱՂԻԿԸ, է. Օժէշկօի,<br>թարգ. Չանգերդեանի . . . . .       | 5 կ.  |
| 6.  | ԱՐՏԻՍՏԸ, Չիրվանդազլի . . . . .                                  | 15 կ. |
| 7.  | ԵՂՕԻ ՔՈՌ ԲԱԽՏԸ, Չանգիրարի                                       | 3 կ.  |
| 8.  | ԵԱՊՕՆԻԱ, Խաչատրեանի . . . . .                                   | 3 կ.  |
| 9.  | ԴԱՆԿՕԻ ՍԻՐՏԸ, Մակսիմ Գօր'-<br>կիյի, թարգ. Ա. Աթայեանի . . . . . | 3 կ.  |
| 10. | ԻՄ ՈՒՂԵԿԻՑԸ, Մակսիմ Գօր'կիյի,<br>թարգ. Ա. Աթայեանի . . . . .    | 10 կ. |
| 11. | ՄԵԾ ՓԱԿԱՆՔ և ԱՌԻԻԾԻ ՄԱՆԸ<br>վ. Փափազեանի . . . . .              | 3 կ.  |